

# Q U Æ S T I O M E D I C A

## QUOD LIBETARIIS DISPUTATIONIBUS MANE DISCUTIENDA

### IN SCHOLIS MEDICORUM DIE JOVIS VIII. JANUARI.

M. FRANCISCO VEZOU Doctore Medico, Consiliario &amp; Medico Regis ordinario, Præfide.

*An quibus ingenij via major; minor est corporis?*

**S**TEMMATA quid faciunt: Homini homo plurimum præstat. Et licet iisdem principiis constet: principibus à naturâ aliqui dotibus insigniuntur, quibus suprà ceteros mortales erecti, velut innatâ dignitate principatum habent. Tanti discriminis causa non cælum, non sydera, non animarum disparitas. A feminum temperie, nicellâ, varioque motu tota futurî hominis existit nobilitas atque felicitas & quò plures vel pauciores conder virtutes imò sinu fecundum germen: eò dabit prolem magis aut minus spectabilem. Hanc hominis ab homine disceptantiam diversâ constituere possunt genera virtutum quibus singuli singulariter inclarescunt. At ea maximè conspicua dissimilitudo est in iis qui viribus ingenij præstant; quales in Lycæo quondam fuisse Philosophi. Et in iis quibus corporis excellunt, quales in Palestrâ visi sunt olim Athletæ. Felix quem nascentem natura sive corporis sive animi bonis illustrioribus illis exornavit. An cum Platone tamen alterutius participem fortis jure vel injuriâ vocabimur.

**R**OBUR duplex. Alterum partis unius: alterum corporis universi. Robusta pars est quæ intrâ limites innatæ imperiei posita suum ritè pensum absolvit. Robustum corpus quod exercitij vehementioris, aut improbi laboris patiens est. Alterutri sustinendo pares cuncti non nascimur. Pituitosi somno graviter: frigide laboribus indulgent. Biliosi *παμπύργοι* inchoant ardientiore studio: languidiore claudunt. In medio cursu melancholici deficiunt. Solus sanguineus Pancratiastes, imò & nobilis Quinquerrio. Calor in illo multus quo vires integræ diu fovetur: rutilantem recreant. Sanguis uberior quo musculorum fibræ reguntur, tenduntur, irrigantur. Spiritus copiosissimi qui per nervorum tubulos sinè ullâ intermissione decurrunt: atque hi cum sint substantiæ crassioris non ita facile remanescunt in auras. Hinc in operibus arduis patientia, hinc constantia. Inter sanguineos qui corporis proceritate vincit; pectore non vincit. *Δόν* referet qui staturæ mediocri erit. Qui non pinguis, sed *σώματος*. Cui plus datur, non copiosior. Cutis aspera. Nervi crassiores. Ossâ solidiora. Ligamenta sicciora. Firmiora latera. Pectus latum & amplum.

**N**ON est hujus soli: nec à sole excisa particula anima rationis compos. Clarioris originis est forma princeps. Quam temperamento eam confundunt: humilior dè eâ sentiunt. Crassipellis philosophus est qui à sanguine aliam non esse putat. Hæc omnis expers materiæ cum corpore mirè coit quod intimè præsens suo quasi numine moveri agitur. Quotquot in humano corpore eliciuntur actiones huic uni acceptæ referendæ sunt. Frustrâ facultates fingunt varias omnium operationum principia. Ipsa anima est quæ suis usâ organis velut è divite gremio tot miracula profert. In vasis nutritiis alimentum universo corpori adornat: adornatum per venas arteriasque defert quo partes affatim omnes expleat provida nutrix. In capite quæ sua verè sunt munia exequitur. Apprehendit, intelligit, recordatur. Hoc triplici munere quò quisque felicius defungitur: eò felicius est ingenij. Hic *ἀνδιδύκτωρ* literarum semina menti mandabit; quæ postmodum uberius reddet. Hic in variarum artium redundabit elegantiam & quancunque professus fuerit in eâ excellet. Hic dè rebus explicatè abundanter & illuminatè dicit. Hic nimios animi motus rationi non obtemperantes dominâ ratione sedabit. Hic solers fagaxque fortunam & sara reget.

**I**NGENII felicitas, summa felicitas est. Ad eam acquirendam literarum studia, temperantia, selectorum alimentorum usus valdè juvant. Sed nihil inuitâ naturâ perficies; aut certè parùm proficies. Ut non omnis fert omnia tellus: sic non omnis temperies apta mentis functionibus insigniter obeundis. Quæ ex biliosi & melancholici facci missione subnascitur: hæc egregia & regia. Maximè si nervorum tenuitas, cutis lævitas, & cerebri mollior substantia comes adsit. Sic à naturâ affectis nihil deest eorum quæ ad ingenij præstantiam requiruntur. Habent à bile mentis acumen: à melancholico humore judicium & memoriam. Ab utroque succo spiritus generantur subtiliores, admodum terfi ac nitentes quorum ad opera mentis utilitas est atque necessitas maxima. Mollierebunt quoque versus à spiritibus facillè pervaditur: in eo res objectæ citius imprimuntur. Cutis lævitas eo ingenium juvat, quod plura recrementa sinat elabi quibus ejectis sensus in opus quæ suum liberos incubant. Nervi tenuiores quemadmodum funiculi pulsati citius resonant. An ideò non nulli quibus in dorso tubera contingunt quod delicati nervi, ligamenta teneriora continere simul vertebra nequeant? Illustri sunt ut plurimum ingenio.

**F**OEDUS nullum esse potest virium corporis cum nervorum mollietie, lævitate cutis, spirituum tenuitate. Qui robore prior esse cupit, is Pugilum habitum liberaliore victu sibi comparare debet. At ingenio præstantes viri adipe nimio mentis aciem obtundi nullatenus patiuntur. Hi sicciores (*Ξηροὶ σφαιρότεροι*) miserè nutriuntur. Vox in illis cerebrum est, quod tanquam publicanus in opes reliquorum artium invadit. Mens perpetuò mota licet immota spirituum familiam funditis everit. Hinc musculis ad motum ferè nulla vis: nulla brachiis ad amplexum: nulla pedibus ad incessum. In oculis ingeniosi plus emicat ignis quam in subjectis omnibus partibus. Vix satis habent flammæ vitalis viscera quâ ingestum alimentum conficiant. Hanc à laribus patriis ad caput measse credes. Trahuntur in ruinam partium nutritioni dicatarum partes generationi inservientes. Hæ misera inopes sinè spiritibus, semen si quod effundunt frigidum humidum est: liberis ineptis apta creandis materies. Ac quoniam contentionibus animi quibus summis uti solent ingenij singularis homines, plus deperditur spirituum quam refarcire aliquando natura possit: gravibus sæpè morbis tentantur illi quorum magnitudine victi antè diem ætherei funere merguntur.

*Ergò quibus ingenij via major; minor est corporis.*

## DOMINI DOCTORES DISPUTATURI.

M. Carolus Marteau.

M. Antonius le Moine.

M. Guido Crescentius, Fagon Familiae Regine Medicus.

M. Jacobus de Bourges.

M. Petrus Legier.

M. Nicolaus Robin.

M. Ioannes Baptista Moreau, Professor Regius.

M. Eusebius Renaudot.

M. Isaac Renaudot.

Proponebat Lutetiæ PETRUS OZON, Argimontensis, Baccalaureus Medicus, A. R. S. H. 1671.